


# Kutentso thie ko kupindo



Ngigua de San Marcos

# Kutentso thie ko kupindo

El chivo negro y el chivo pinto

**Resumen:** Trata de dos chivos, uno pinto y uno negro. El negro quería pasar al otro lado para robarse una chiva pinta.

Jacob Luna Hernández

Ngigua de San Marcos Tlacoyalco,Puebla

Borrador  
Octubre 2009

## **Kutentso thie ko kupindo**

Be'e yoo rajna ngata'a jna ko naa bi'in rajna kutentso thie ko inaa rajna bi'in rajna kutentso pindo. Ko rajna te'i bakunchjeeya naa tsaaga anto jie, ko jo'o naa nthaa jie bagathujinxin ba inaa rajna.


Ko ngain rajnee kutentso kuthie be'e naa kutentso anto dixinga ko anto binao rukji ngain rajnee kutentso kupindo, mexinxin anto baxraxaon ba ko bandachro ba: “ja'an rina'o sariki'an naa kundapindachjan naa ncha'on te'i tsji rajnee ba.

Ko ngain rajna jngo be'e kai naa kundapindo ko kain ncha'on baxraxaon ba ko bandachro ngain jaa ba: “ja'an rinao'a ixin tsii naa kuthie ko sasikao kundapindachjanna ná.

Ko kainxin ncha'on kupindo bakji ba ixin bagenda ba thi nthadathujinxin ba tsaaga ko nthi'a tabachu'en ba.

Are naa tsukjin kunchi'en kuthie ngain thi nthaa dathujixin ba tsaaga, are bikon kundapindo ko ndachro ba:


—Ja'a kuntentso kuthie dathujin'a tsagana ná.



Kuthejan kutentso kuthie ndachro:

—Unda jaña nche'e ja'a tanchrjanda na jo'o rina'o sikon ako chrjuin jii rajnaa.

Jaña see tabinte ba ko xrata binchexruan choo kuthejan ndachro kuthie:



—Ja'an xragua'an ko satho ko tsema naa kutentso ndapindachjan maski taringatjin yaa.


Ko anto kuñao kundapindo are kuinga ixin  
rukentee kuninxin nth'e jaa kuthie, ko kai  
kuinga kuthie ixin rukjaaya ba kai.




Ko are bintheji inchin ngusine nth'a  
dathujinxin ba tsaaga binkee choo jaa ba.



Jañaá yui ba kunti'e ba ko kjuixin jaa ba  
ngaa tsaaga.



Ko ngaaya tsaaga mee jithinga yee jinda ko  
ni mee xrabintegantsjengi jaa ba ngain jinda ko  
xra kuyauthe choo ba.



Anto bingaku'en choo ba ko jaña  
tabintige'en ba ixin kuingajin ba jinda ngain thi  
icha ningaaya tsaaga mee.

Ko jaña ikja'an ná bikon ná yui kutentso  
te'i ko kutentso icha ukuixi'in ba bagatujin ba  
tsaaga ko xru'in kensen bakuñaao ixin bagitsje'e  
choo kutentso kuthie ko kutentso kupindo.